



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration
Operational Center

Broj: 04-40-1-328/21
Sarajevo, 25.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 24.11.2021. do 08:30 sati 25.11.2021. godine

Štab civilne zaštite Kantona Sarajevo (u daljnjem tekstu: Štab) je na 5. vanrednoj sjednici, održanoj dana, 24.11.2021. godine, razmatrao trenutno stanje na području Kantona Sarajevo uzrokovano poplavama. Na osnovu informacija prikupljenih sa cjelokupnog područja Kantona Sarajevo i detaljne analize, Štab je procijenio da je završeno spašavanje ugroženih ljudi i materijalnih dobara na ugroženim područjima i da daljnji posao na okončanju saniranja nastalih posljedica mogu uspješno završiti organi uprave i drugi organi vlasti i pravna lica u okviru obavljanja poslova iz svoje redovne djelatnosti, te da su shodno tome stvoreni uslovi da se na području Kantona Sarajevo donese Odluka o proglašenju prestanku stanja prirodne nesreće od poplava na području Kantona Sarajevo, čime bi se stavila van snage Odluka o proglašenju stanja prirodne nesreće od poplava na području Kantona Sarajevo, broj: 02-04-40698-1/21 od 08.11.2021. godine, te prijedlog Odluke o proglašenju prestanku stanja prirodne nesreće od poplava na području Kantona Sarajevo uputio Vladi Kantona Sarajevo na razmatranje i odlučivanje.



Štab je na sjednici donio i naredbe kojim se van snage stavljaju naredbe Štaba i to:

- Naredbu kojom je van snage stavio Naredbu Štaba kojom je bilo naređeno službama zaštite i spašavanja formiranim Uredbom o organizovanju službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, br. 30/13, 29/19, 15/20 i 22/20), da stave na raspolaganje sve svoje snage i sredstva Štabu civilne zaštite Kantona Sarajevo, koji će se koristiti u poduzimanju mjera i aktivnosti na zaštiti i spašavanju ljudi i materijalnih dobara od poplava na području Kantona Sarajevo;
- Naredbu kojom je van snage stavio Naredbu Štaba kojom je bilo naređeno općinskim štabovima civilne zaštite Stari Grad, Centar i Novo Sarajevo da stave na raspolaganje sve svoje snage i sredstva Štabu, koji će se koristiti u poduzimanju mjera i aktivnosti na zaštiti i spašavanju ljudi i materijalnih dobara od poplava na području Kantona Sarajevo;
- Naredbu kojom je van snage stavio Naredbu Štaba kojom je bilo naređeno KJKP „RAD“ d.o.o. Sarajevo da stavi na raspolaganje sve svoje snage i sredstva Štabu, koje će se koristiti u poduzimanju mjera i aktivnosti na zaštiti i spašavanju ljudi i materijalnih dobara od poplava na području Kantona Sarajevo;
- Naredbu kojom je van snage stavio Naredbu Štaba kojom je bilo J.U. „Zavod za javno zdravstvo Kantona Sarajevo“ da svakodnevno vrši kontrolu i ispitivanje kvaliteta vode na lokalnim vodovodima na području Kantona Sarajevo;
- Naredbu kojom je van snage stavio Naredbu Štaba kojom je naređeno Direkciji za robne rezerve Kantona Sarajevo da iz svojih rezervi izdvoji i stavi na raspolaganje 10 tona nafte za potrebe Štaba.

Od općinskih operativnih centara civilne zaštite: Ilidža, Novi Grad, Trnovo, Vogošća i Ilijaš smo obavješteni da su njihovi općinski štabovi civilne zaštite nastavili sa aktivnostima i mjerama na otklanjanju i saniranju posljedica od poplava na ugroženom području, te da njihove općinske komisije za procjenu šteta u skladu sa propisanim procedurama i metodologiji rade na procjeni šteta na materijalnim i drugim dobrima izazvanim djelovanjem poplava.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su dvije manje intervencije i to: jednu na gašenju zapaljenog dimnjaka i jednu tehničku intervenciju.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodopsnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 1°C, vlažnost zraka 96%, barometarski pritisak 941 hPa.



BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1